



Tal borc di sot, just ducj i vinars cu la sô camionete al capità dongje il Pessâr e chês feminis a davin fûr di ogni curtîl. La compre e veve a cefâ scuasi simpri cuntun grop di sardis che, impanadis tal ûf e la farine di flôr, a finivin fritis e po su pe taule, magari dongje une raine di lidric cul poc.

A jerin tancj agns che si fermave puntuâl in tal borc e ancje lui, il me gjat al rivave cutin, par vuadagnâ, menant la code, la sô gulizion.

Velu! Cjapât e subite mangjât, po cun grant solaç si lecave il mustic.

Ma chê dì si jere fermât denant di une ruede. Il me tui, dut blanc, forsit albin, al jere sort e nol veve sintût che la camionete e leve indenant.

Jo lu ai cjatât dongje il puarton, il cjâf jù par tiere e zirât par sù, che al pareve durmî.

O jeri a pene tornât di scuele e nissun si jere visât che il tui al jere muart.

Nol varès saltât plui su la mê spale, ni covaçât mugnestri dongje i miei pîts, come che simpri al faseve di cuant che, propit li, dongje il puarton, la prime volte, cualchi an prime, cun grande maravee o si jerin cjatâts.

**di Maurizio Di Fant**

**#168**